



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Consessio Sev Collatio Prima.

urn:nbn:de:hbz:466:1-15324

QVINTA SYNODVS GENERALIS
CONSTANTINOPOLITANA II.

CONSESSIO SEV COLLATIO PRIMA.

IMPERII Domini Iustiniani perpetui Augusti anno
XVII. post consulatum Basilii anno XII. die IV. No-
nas Maias, indictione I. confidentibus in secretario ve-
nerabilibus episcopis huius regiae ciuitatis,

Eutychio sanctissimo patriarcha regiae Constantinopolis nouae
Romae,

Apollinario sanctissimo archiepiscopo Alexandrinae magnae ci-
uitatis,

* Domnino sanctissimo patriarcha * Theopolitanae magnae ciui-
tatis, * Dom-
no

Stephano religiosissimo episcopo Raphiae, &

Georgio religiosissimo episcopo Tiberiadis, &

Damiano religiosissimo episcopo * Sozusa, vicem agentibus Eu-
stochii sanctissimi episcopi Hierosolymitani, * id est,
Sozusa-

Benigno religiosissimo episcopo Heracleae * Pelagoniae, vicem
agente Eliae beatissimi episcopi Thessalonicensis, * id est,
Macedo-

Theodoro religiosissimo episcopo Caesareae primae Cappadociae
prouinciae, Paphla-
goniae,

Andrea religiosissimo episcopo Ephesi,

Sextiliano religiosissimo episcopo Tunicensi, vicem agente Pri-
mofi religiosissimi episcopi Carthaginis,

Megethio religiosissimo episcopo Heracleae Thraciae,

Anastasio religiosissimo episcopo Tabiae, vicem agente Dorothei
religiosissimi episcopi Ancyræ,

Ioanne religiosissimo episcopo Iliensi, vicem agente Euprepri re-
ligiosissimi episcopi Cyzicenae ciuitatis,

Eusebio religiosissimo episcopo Tyri,

Ioanne religiosissimo episcopo Nicomediae,

Stephano religiosissimo episcopo Nicæae,

Constantino religiosissimo episcopo Calchedonensi,

Petro religiosissimo episcopo Tarfi,

Ioanne religiosissimo episcopo Cucuforum, vicem agente Palla-
dii religiosissimi episcopi Melitenae,

Ioanne religiosissimo episcopo Caesareae Palaestinae,

Pompeiano religiosissimo episcopo Byzacii,

Amazonio religiosissimo episcopo Edessa,

Alexandro religiosissimo episcopo Gangrorum,

Thoma religiosissimo episcopo Apameae Syriae,

Euphranta

ANNO
CHRISTI
553.*Theo-
doto

Euphranta religiosissimo episcopo Tyanorum,
 Theodoro religiosissimo episcopo Hierapolis Syriae,
 Bosphorio religiosissimo episcopo Neocæsareæ,
 Ioanne religiosissimo episcopo Bostræ,
 Philippo religiosissimo episcopo Myrorum,
 *Theodoro religiosissimo episcopo Seleusiæ Isauriæ,
 Iuliano religiosissimo episcopo Sardiensi,
 Theodoro religiosissimo episcopo Gortynæ,
 Eustathio religiosissimo episcopo Damasci,
 Theodosio religiosissimo episcopo Rhodi,
 Firmo religiosissimo episcopo Tipason Africanæ prouinciæ,
 Theodoro religiosissimo episcopo Antiochiæ Pisidiæ.
 Phoca religiosissimo episcopo Stalienfi,
 Eulogio religiosissimo episcopo Pergæ,
 Seueriano religiosissimo episcopo Aphrodisiadis,
 Cyriaco religiosissimo episcopo Amidæ,
 Seuero religiosissimo episcopo Synnadorum,
 Petro religiosissimo episcopo Sidæ,
 Abraamio religiosissimo episcopo Sergiopolitano,
 Assignio reuerendissimo episcopo Traianopolitano, vicem agen-
 te Ioannis religiosissimi episcopi Laodiceæ Phrygiæ Pacatianæ,
 Ioanne religiosissimo episcopo Adrianopolitano Thraciæ,
 Cresconio religiosissimo episcopo Cuiculi,
 Theodosio religiosissimo episcopo Iustinianopolitano secundæ
 Cappadociæ,
 Stephano religiosissimo episcopo Laodiceæ, siue Theodoriadis,
 Auxanone religiosissimo episcopo Hierapolis Phrygiæ,
 Eustathio religiosissimo episcopo Maximianopolitano,
 Ætherio religiosissimo episcopo Anazarbi,
 Dometio religiosissimo episcopo Chalcedis,
 Valeriano religiosissimo episcopo Obbæ Africanæ prouinciæ,
 Dionysio religiosissimo episcopo Seleuciæ Syriae,
 Theodoro religiosissimo episcopo Dryziparorum,
 Seuero religiosissimo episcopo Pompeiopolitano Paphlagoniæ,
 Georgio religiosissimo episcopo Iustinianæ Cypselitanorum,
 Romano reuerendissimo episcopo Gabalorum,
 Gregorio reuerendissimo episcopo Iustinianopolitano Armeniæ,
 Ioanne reuerendissimo episcopo Nyssæ,
 Basilio reuerendissimo episcopo Iustinianopolitano Camulianorum,
 Ioanne reuerendissimo episcopo Barculorum,
 Cresconio reuerendissimo episcopo Zatarensi, prouinciæ Numidiæ,
 Sergio reuerendissimo episcopo *Cynon secundæ Ægypti,
 Christophoro reuerendissimo episcopo Arcadiopolitano Asiæ,
 Theodosio reuerendissimo episcopo Bybli,
 Leontio reuerendissimo episcopo Arcæ,
 Ioanne reuerendissimo episcopo Myrinæ,
 Alexandro reuerendissimo episcopo Amphipolitano,

Concil. Tom. 12.

B

* id est,
nouæ Iu-
stinianæ
secundæ

Stephano reuerendissimo episcopo Clysmatis,
 Thoma reuerendissimo episcopo Berisæ,
 Aristodemo reuerendissimo episcopo Philomelii,
 Thalelæo reuerendissimo episcopo Adrianopolis Pifidiæ,
 Theoctisto reuerendissimo episcopo Erythrorum,
 Diogeniano reuerendissimo episcopo Sozopolitano,
 Basio reuerendissimo episcopo Thamiatenfi,
 Anatolio reuerendissimo episcopo Cymæ,
 Diogene reuerendissimo episcopo Cratiæ,
 Restituto reuerendissimo episcopo Mileon Africanæ prouinciæ,
 Theodoro reuerendissimo episcopo Leontopolitano Ægypti,
 Æmiliano reuerendissimo episcopo Antipyrgi,
 Conone reuerendissimo episcopo Magoedenfi,
 Theoctisto reuerendissimo episcopo Prusæ,
 Georgio religiosissimo episcopo Ptolemaidis,
 Sotero reuerendissimo episcopo Aulonis,
 Zosimo reuerendissimo episcopo Antandri,
 Cypriano reuerendissimo episcopo Coryci,
 Elia reuerendissimo episcopo Diocletianopolitano,
 Theona reuerendissimo episcopo * Cysson,
 Theodoro reuerendissimo episcopo Lymirorum,
 Gennadio reuerendissimo episcopo Zenopolitano,
 Asyncretio reuerendissimo episcopo Aradi,
 Stephano reuerendissimo episcopo Botryon,
 Philippo reuerendissimo episcopo Phelli,
 Mena reuerendissimo episcopo Demyriangelis,
 Genethlio reuerendissimo episcopo Dorylæi,
 Thoma reuerendissimo episcopo Constantinæ,
 Theodoro reuerendissimo episcopo * Leontopolitano,
 Seuro reuerendissimo episcopo Taborum,
 Theoctisto reuerendissimo episcopo Halicarnassi,
 Cosma reuerendissimo episcopo Malli,
 Dionysio reuerendissimo episcopo Megarenfi,
 Callinico reuerendissimo episcopo Opuntis,
 Paschasio reuerendissimo episcopo Ægii,
 Erasmo reuerendissimo episcopo Cibyræ,
 Ioanne reuerendissimo episcopo Neocæsareæ Euphratenfis,
 Nonno reuerendissimo episcopo * Daufarorum,
 Stephano reuerendissimo episcopo Balaneon,
 Thoma reuerendissimo episcopo Circesii,
 Anatolio reuerendissimo episcopo Sebastæ,
 Constantino reuerendissimo episcopo Midaii,
 Macario reuerendissimo episcopo Prymnesiæ,
 Megalo reuerendissimo episcopo Myrenorum,
 Thalelæo reuerendissimo episcopo Isindorum,
 Niceta reuerendissimo episcopo Epiphaniæ,
 Alexandro reuerendissimo episcopo Dionysii,

* id est,
Cussita-
norum* id est,
Heleno-
polita-
no,* Dau-
ron,

ANNO
CHRISTI
533.

* id est,
Antinoi,

* id est,
Colonicum,

* id est,
Cæsarenorum,

* Daborum,

Pelagio reuerendissimo episcopo Azanorum,
Hierone reuerendissimo episcopo Anastasiopolitano Phrygiæ,
Glaucio reuerendissimo episcopo Alionorum,
Procopio reuerendissimo episcopo * Antenon,
Petro reuerendissimo episcopo Domitiopolitano,
Ioanne reuerendissimo episcopo * Coloniae,
Vranio reuerendissimo episcopo Trallienfi,
Ioanne reuerendissimo episcopo * Cerasuntis,
Phronymo reuerendissimo episcopo Sinnai,
Macedonio reuerendissimo episc. Iustinianopolitano Bithyniæ,
Ecdicio reuerendissimo episcopo Teni insulæ,
Eulogio reuerendissimo episcopo * Danaborum,
Theodoro reuerendissimo episcopo Coradensium,
Elpidophoro reuerendissimo episcopo Anastasiopolitano Cariæ,
Cyrione reuerendissimo episcopo Dadimorum,
Theodoro reuerendissimo episcopo Laodiceæ,
Sila reuerendissimo episcopo Tiberiopolitano,
Diogene reuerendissimo episcopo Augustopolitano,
Theodoro reuerendissimo episcopo Ingelon,
Iuliano reuerendissimo episcopo Zeugmatis,
Dorymenio reuerendissimo episcopo Adraon,
Ioanne reuerendissimo episcopo Lari,
Theodoro reuerendissimo episcopo Gargaron,
Theodoro reuerendissimo episcopo Comanorum,
Rufino reuerendissimo episcopo Sebastie Armeniæ,
Conone reuerendissimo episcopo Semneon,
Cyraco reuerendissimo episcopo Casatanorum,
Sifinnio reuerendissimo episcopo Præneti,
Iuliano reuerendissimo episcopo Batnon,
Anastasio reuerendissimo episcopo Rachlæ,
Theodoro reuerendissimo episcopo Porthmi,
Paulo reuerendissimo episcopo Stectorii,
Stephano reuerendissimo episcopo Amasiæ,
Paulo reuerendissimo episcopo Adrassi,
Euandro reuerendissimo episcopo Gnidi,
Mena reuerendissimo episcopo Carpathii,

Diodorus archidiaconus & primicerius reuerendissimorum notariorum dixit: Theodorus vir spectabilis silentiarius ante religiosissimum vestrum secretum est, missus a piissimo & Christianissimo imperatore, & suggerimus ad quod placuerit. Sanctissimus archiepiscopus & patriarcha Euty chius dixit: Ingrediatur. Quo facto, sanctissimus archiepiscopus & patriarcha Apollinarius dixit: Pro qua causa vestra magnitudo ad nos venit? Theodorus vir spectabilis silentiarius dixit: Piissi-

Concil. Tom. 12.

B ij

mus & Christianissimus noster Dominus misit me ad vestram beatitudinem dare vobis piissimam formam legendam ante sanctam vestram Synodum. Sanctissimus archiepiscopus & patriarcha Dominus dixit: Piissima forma, cuius mentionem fecit Theodorus magnificus, competenter suscepta recitetur. Et cum suscepisset Stephanus diaconus & notarius & instrumentarius, recitauit.

IN NOMINE DOMINI DEI NOSTRI IESU CHRISTI.

Imperator Caesar Flavius Justinianus, Alemanicus, Gothicus, Francicus, Germanicus, Anticus, Alanicus, Vandalicus, Africanus, Pius, Felix, Inclytus, Victor, ac Triumphator, semper Augustus, beatissimis episcopis & patriarchis, Eutychio Constantinopolitano, Apollinario Alexandrino, Dominino Theopolitano, Stephano, Georgio & Damiano religiosissimis episcopis vicem agentibus Eustochii viri beatissimi archiepiscopi Hierosolymitani & patriarchæ, & reliquis religiosissimis episcopis ex diuersis prouinciis in hac regia urbe degentibus.

SEMPER studium fuit orthodoxis & piis imperatoribus patribus nostris, pro tempore exortas hæreses per congregationem religiosissimorum episcoporum amputare, & recta fide sincere prædicata, in pace sanctam Dei ecclesiam custodire. Quapropter & Constantinus piæ recordationis Ario blasphemante & dicente, non esse Filium consubstantialem Deo Patri, sed creaturam, & ex non extantibus factum esse, congregauit Nicææ ex diuersis diocæsisibus trecentos decem & octo sanctos patres: & cum ipse etiam Concilio interfuisset, & adiuuisset eos qui consubstantialem Filium Patri confessi sunt, condemnata Ariana impietate, studium habuit rectam fidem obtinere. Exposito itaque sancto symbolo, vel mathemate fidei, per hoc sancti patres confessi sunt consubstantialem esse Filium Deo Patri, quod usque tunc apud plurimos dubitabatur. Sed & Theodosius senior piæ recordationis, Macedonio negante deitatem sancti Spiritus, & Apollinario vel Magno eius discipulo in dispensatione incarnati Dei Verbi blasphemantibus & dicentibus, sensum humanum non recepisse

ANNO
CHRISTI
553.

Deum Verbum, sed carni vnitum esse animam irrationabilem habenti : congregatis in regia vrbe centum quinquaginta sanctis patribus, cum & ipse particeps fuisset Concilii, damnatis prædictis hæreticis vna cum impiis eorum dogmatibus, fecit rectam prædicare fidem. Secuti enim iidem sancti patres expositam rectam fidem a trecentis decem & octo sanctis patribus, explanauerunt de deitate sancti Spiritus, & perfecte de dispensatione incarnati Dei Verbi docuerunt. Iterum Nestorio impio alium dicente Deum Verbum, & alium Christum, & hunc quidem natura Filium Dei Patris, illum autem gratia filium impie introducente, & sanctam gloriosam semper Virginem Dei genitricem esse negante, cum pene omnes orientales partes sua impietate adimpleffet idem Nestorius, Theodosius iunior piæ recordationis congregauit priorem Ephesinam sanctam Synodum, cui præsidebant Cælestinus & Cyrillus sancti patres, & directis iudicibus, qui deberent Concilio interesse, compulit & ipsum Nestorium ibi peruenire, & iudicium propter eum procedere : & tali examinatione facta, secuti iidem sancti patres per omnia ea quæ de fide definita sunt ab anterioribus sanctis patribus, condemnauerunt Nestorium vna cum eius impietate. His ita subsecutis, cum insurrexissent contra Cyrillum sequaces Nestorii impii, festinauerunt (quantum in ipsis fuit) refutare condemnationem contra Nestorium factam : sed prædictus piæ recordationis Theodosius, vindicans ea quæ ita recte contra Nestorium & eius impietatem fuerant iudicata, fecit firmiter obtinere contra eum factam condemnationem. Et post hæc iterum cum Eutyches demens emerisset, negando consubstantialem nobis esse carnem Domini, multis interea motis, tam Constantinopoli, quam Ephesi, tanta pro illo facta est hæreticorum circumuentio, vt etiam eiiceretur propter eum Flavianus religiosæ memoriæ regis vrbis episcopus. Piæ autem recordationis Marcianus congregauit Calchedone sanctos patres, & magna contentione inter episcopos facta, non solum per suos iudices, sed etiam per seipsum in Concilium peruenit, & ad concordiam omnes perduxit. Qui sancti patres in omnibus secuti ea quæ pro fide definita sunt a prædictis tribus

sanctis Conciliis, & quæ iudicata sunt de hæreticorum damnatione & impietate eorum, damnauerunt & anathematizauerunt Eutychem dementem, & impia eius dogmata, nec non & Nestorium cum impiis eius dogmatibus, quoniam tunc festinauerunt quidam defendere Nestorium & impia eius dogmata. Super hæc autem iidem in Calchedone sancti patres anathematizauerunt eos qui aliud symbolum tradiderunt aut tradunt, præter hoc quod expositum est a trecentis decem & octo sanctis patribus, & explanatum a centum quinquaginta sanctis patribus. His itaque omnibus per diuersa tempora subsecutis, prædicti piæ recordationis nostri patres ea quæ in vnoquoque Concilio iudicata sunt, legibus suis corroborauerunt & confirmauerunt, & hæreticos qui definitionibus prædictorum sanctorum quatuor Conciliorum resistere, & ecclesias conturbare conati sunt, expulerunt. Defuncto autem Marciano diuæ recordationis, cum contentio esset per diuersa loca de Calchedonensi sancto Concilio, Leo piæ recordationis ad omnes vbiq; sacerdotes scripsit, vt vnusquisque eorum propriam sententiam manifestaret de eodem sancto Concilio, & cum alius alium episcopum non expectasset, ad hoc quod interrogati sunt, responderunt. Exiguo autem tempore transacto, iterum insurrexerunt Nestorii & Eutychem sequaces, & tantas turbas in sanctis Dei ecclesiis fecerunt, vt diuisiones & schismata in eis fierent, & nullam communionem ad se inuicem ecclesiæ haberent. Nec enim præsumebat aliquis de ciuitate ad ciuitatem veniens communicare, nec clericus ex alia ciuitate in aliam ciuitatem veniens in ecclesiam procedere. Cum autem secundum suam misericordiam Dominus Deus reipublicæ gubernationem nobis credidit, initium & fundamentum nostri imperii fecimus, coniungere diuisos sacerdotes sanctarum Dei ecclesiarum ab oriente vsque occidentem, & omnem contentionem amputantes quæ contra Calchedonensem sanctam Synodum ab Eutychem & Nestorii impiorum sequacibus mouebatur, fecimus prædicare eandem sanctam Synodum cum prædictis aliis sanctis tribus Conciliis in Dei ecclesiis, certe scientes, quod ea, quæ ab ea de fide exposita sunt, consonant per omnia aliis tribus

ANNO
CHRISTI
553.

sanctis Conciliis: & multis quidem ad eandem sanctam Synodum contradicentibus satisfecimus; alios autem qui perseverauerunt eidem sancto Concilio contradicentes, expulimus sic a sanctis Dei ecclesiis & venerabilibus monasteriis, ut concordia & pace sanctarum ecclesiarum & earum sacerdotum firmiter custodita, una & eadem fides, quam sanctæ quatuor Synodi confessæ sunt, in sanctis Dei ecclesiis prædicetur. His ita pro firmitate sanctarum quatuor Synodorum Deo propitio per nos factis & obtinentibus in sancta Dei ecclesia, Nestorii sequaces propriam impietatem applicare volentes sanctæ Dei ecclesiæ, & non potentes hoc per Nestorium facere, festinauerunt eam introducere per Theodorum Mopsuestenum doctorem Nestorii, qui multo peiora Nestorio blasphemavit, & super alias innumerabiles suas blasphemias contra Christum Deum nostrum factas, alium dixit Deum Verbum, alium Christum, nec non & per impia conscripta Theodoretæ, quæ contra rectam fidem & Ephesinam primam sanctam Synodum, & contra sanctæ memoriæ Cyrillum & duodecim eius capitula exposuit, & insuper sceleratam epistolam, quam dicitur Ibas ad Marin Persam scripsisse, quæ plena est omni impietate Theodori & Nestorii. Per hanc etenim impiam epistolam non solum impietatem, sed etiam ipsas personas Theodori & Nestorii, quas maxime laudat & iudicat, eadem impia epistola festinauerunt condemnationem liberare, dicentes eam susceptam esse a sancta Calchedonensi Synodo. Hoc autem dicunt non pro defensione sanctæ Synodi, sed nomine eius, sicut putant, suam impietatem confirmare festinantes. Certum autem est, quod impia intentio est ista vindicantium, ut si eis euenerit, non prædicetur Deus Verbum homo factus esse, nec sancta gloriosa semper virgo Maria Dei genitrix prædicetur. Hæc enim Theodorus & Nestorius in suis conscriptis impie exposuerunt, & qui epistolam scripsit, in ea blasphemavit. Nos igitur sequentes sanctos patres, & volentes rectam fidem sine * quodam macula in Dei ecclesiis prædicari, & impiorum conatum refecare, primum quidem & in vestris vos degentes ecclesiis interrogauimus de prædictis impiis tribus capitulis, & vestram nobis voluntatem ma-

*for. ali-
qua

nifestam fecistis, pro qua & comprobauius vos, quod indubitanter & cum omni alacritate rectam fidem confessi estis, & impiam condemnastis. Quoniam vero & post condemnationem a vobis factam, in eisdem ipsis permanent quidam, eadem impia tria capitula vindicantes, ideo vocauimus vos ad regiam urbem, hortantes communiter conuenientes, quam habetis pro his voluntatem, iterum manifestare. Et Vigilio enim religiosissimo papæ antiquioris Romæ, cum peruenisset ad hanc regiam ciuitatem, de tribus capitulis subtiliter omnia manifestauimus, & interrogauimus eum quid sapit de hoc: & ipse non semel nec bis, sed etiam sæpius in scriptis & sine scriptis anathematizauit impia tria capitula. Quod vero eiusdem voluntatis semper fuit de condemnatione trium capitulorū, & per plurima alia declarauit, & per condemnationem Rustici & Sebastiani aliquando diaconorum antiquioris Romæ, qui cum primum suscepissent factum ab eo iudicatum, in quo anathematizauit eadem impia capitula, postea susceperunt & defenderunt eorum impietatem. Sed etiam Valentiniano episcopo Scythiæ, & Aureliano Arelati, quæ est prima sanctissimarum Galliarum ecclesiarum, scripsit & manifestauit de condemnatione istorum capitulorum, & præcepit eis nihil suscipere quod a condemnatis diaconis scribitur contrarium prædicto iudicato: & compendiose dicere, semper in eadem voluntate perseuerauit. Et hæc omnia per suum tempus vobis manifesta faciemus. Quomodo vero postea, cum peruenissetis, sicut dictum est, ad hanc regiam ciuitatem, scripta facta sunt adinuicem a vestra sanctitate, & a Vigilio religiosissimo papa antiquioris Romæ, vt omnes vos vniti conueniatis, & propter illos qui siue ex ignorantia, siue scientia impietatem capitulorum defendunt, congruum iudicium eis quæ a sanctis quatuor Synodis pro fide definita sunt, proferatis; mandauimus illi etiam per nostros iudices, & per quosdam ex vobis, vt vna cum omnibus conueniret, & communiter disceptaret de prædictis capitulis, vt forma daretur rectæ fidei conueniens, & quod & ipsum & vestram sanctitatem in scriptis interrogauimus de hoc, vt aut tamquam impia capitula ab omnibus condemnarentur, aut si putat recta esse, aperte suam manifestaret

ANNO
CHRISTI
555

nifestaret voluntatem. Alienum enim est Christianorum, cum recta fide impia suscipere, & non a malis recta discernere. Illa vero nobis mandauit, quod de prædictis tribus capitulis per semetipsum faciens, porriget nobis. Adhortamur igitur etiam vos de his disceptare. Scire etenim vos volumus, quod nos ea quæ a sanctis quatuor Conciliis, Nicæno, Constantinopolitano, Ephesino primo, & Calchedonensi, de vna eademque fide exposita & definita sunt, & de ecclesiastico statu regulariter disposita seruamus, & defendimus, & ea sequimur, & omnia quæ consonant istis suscipimus & amplectimur. Quidquid autem non consonat istis, vel a quacumque persona scriptum inueniatur contra ea quæ de vna eademque fide a sanctis quatuor Conciliis vel vno ex his definita sunt, hoc tamquam alienum omnino pietatis execramur: sequimur autem in omnibus sanctos patres & doctores sanctæ Dei ecclesiæ, id est, Athanasium, Hilarium, Basilium, Gregorium theologum, & Gregorium Nyssenum, Ambrosium, Theophilum, Ioannem Constantinopolitanum, Cyrillum, Augustinum, Proculum, Leonem, & omnia quæ ab his de fide recta & ad condemnationem hæreticorum conscripta & exposita sunt suscipimus. In prædictis igitur omnibus permanentes, illos patres & sacerdotes suscipimus, qui ea quæ a sanctis quatuor Conciliis de fide exposita sunt, & a prædictis sanctis patribus prædicata sunt, seruant & prædicant in sancta Dei ecclesia. Quando vero hæretici per omnia Theodorum & Nestorium & eorum impietatem vindicare volentes, sicut prædictum est, & susceptam esse dicunt a sancto Calchedonensi Concilio impiam epistolam quæ ad Marim Persam ab Iba scripta esse dicitur; hortamur vos considerare ea quæ a Theodoro impie tam in aliis scripta sunt, quam in Iudaico symbolo, quod & Ephesi & Calchedone prolatum, anathematizatum est ab vtraque Synodo cum his qui ita sapuerunt, vel sapiunt: considerare autem & quæ de ipso & eius blasphemii sancti patres conscripserunt, & antecessores nostri promulgauerunt, nec non & quæ ecclesiasticarum historiarum scriptores de eo exposuerunt. Ex his etenim omnibus cognoscetis, quod ab illo tempore condemnatus est tam ipse, quam blasphemix eius a sanctis patribus, &

Concil. Tom. 12.

C

quod propter istas superioribus temporibus deletum est & nomen eius a sacris diptychis ecclesie, cuius fuit episcopus. Hortamur autem etiam illud disceptare, quod vane profertur ab eis qui dicunt non oportere post mortem hæreticos anathematizari; & sequi in hoc doctrinam sanctorum patrum, qui non solum viuentes hæreticos condemnauerunt, sed & post mortem, vtpote in sua impietate mortuos, anathematizauerunt, sicut eos qui iniuste condemnati sunt, reuocauerunt post mortem, & in sacris diptychis scripserunt: quod factum est & in Ioanne, & in Flauiano religiosæ memoriæ episcopis Constantinopolitanis. Scit enim vestra reuerentia, quod positum est a Domino in euangelio de ipso: *Quod qui credit in eum, non iudicatur: qui autem non credit in eum, iam iudicatus est, quod non credit in nomine unigeniti Filii Dei.* Manifestum autem est, quod hoc non tantum de viuis, sed etiam de his dictum est qui in sua impietate mortui sunt. Insuper autem hortamur vos inspicere & quæ impie scripta sunt a Theodoro contra rectam fidem & Ephesinam primam sanctam Synodum, & contra sanctæ memoriæ Cyrillum, & contra duodecim eius capitula, & quæ impie idem Theodoretus conscripsit pro Theodoro & Nestorio & blasphemias eorum contra sanctæ memoriæ Cyrillum. Examinare autem & de impia epistola, quæ dicitur ab Iba ad Marim Persam scripta esse: in qua scriptor eius abnegat, Deum Verbum hominem factum esse: & sanctam gloriosam semper virginem Mariam Deigenitricem esse. Condemnat autem eadem impia epistola & Ephesinam primam sanctam Synodum, tamquam sine iudicio & quæstione Nestorio condemnato: & sanctæ quidem memoriæ Cyrillum ecclesie doctorem, hæreticum vocat, & impia dicit duodecim eius capitula; Theodorum autem & Nestorium & eorum impietatem defendit & laudat. Et quoniam, sicut dictum est, presumunt quidam dicere, & epistolam quæ prædictam impietatem continet susceptam esse a Calchedonensi sancto Concilio, hortamur vos conferre ea quæ dicta sunt ab eodem sancto Concilio in definitione pro fide exposita, cum his quæ in impia epistola continentur, vt vndique recta quidem confirmantur, impia autem condemnentur.

Chryso-
stomum intel-
ligit.

Ioan. 3.

ANNO
CHRISTI
555.

Omnia igitur prædicta cū omni subtilitate disceptantes, sicut sacerdotes decet, in mente habentes Dei timorem & futurum iudicium, & nihil pietati & rectæ fidei & veritati & Dei gloriæ & honori præponentes, in mente autem habentes & apostolicam pronuntiationem, quæ contra eos qui contraria rectæ fidei tradunt, prolata est, manifeste dicentem, *quod licet nos vel angelus de cælo euangelizauerit vobis præterquam quod euangelizauimus vobis, anathema sit. Sicut prædiximus, & modo iterum dico: Siquis vobis euangelizauerit præterquam accepistis, anathema sit*: Scientes autem & Petri apostoli præceptum dicentis: *Parati semper estote ad satisfactionem omni petenti vos rationem de spe quæ in vobis est*; celeriter de his quæ interrogauimus, vestram manifestate voluntatem. Cum enim qui de recta fide interrogatur, diu protrahit, nihil aliud est nisi abnegatio rectæ confessionis. In interrogationibus enim & responsis quæ de fide sunt, non est primus vel secundus, sed qui in recta confessione paratior inuenitur, acceptabilis apud Deum est. Diuinitas vos seruet per multos annos, sancti ac religiosissimi patres. Datum *iv. Nonas Maias, Constantino- poli, imperii Domini Iustiniani perpetui Augusti anno xxvii. post consulatum Basilii viri clarissimi anno xii.*

Stephanus & Georgius & Damianus religiosissimi episcopi, vicem agentes Eustochii sanctissimi patriarchæ Hierosolymitani, per vnum ex ipsis, Stephanum religiosissimum episcopum Raphiæ, dixerunt: Theodorus vir magnificus exeat, cum satisfecerit piissimi imperatoris iussioni. Et cum exisset vir spectabilis silentarius, sancta Synodus dixit: Certis constitutis, quæ lecta imperiali forma continentur, quoniam inter nos & Vigilium sanctissimum antiquioris Romæ papam scripta quædam facta sunt ad præsentem causam respicientia, necessarium esse putamus ante alia omnia hæc lectione manifestari. Et cum suscepisset Stephanus notarius & instrumentarius, recitauit.

Sanctissimo & beatissimo Domino & consacerdoti Vigilio Eutychiis.

SCIENTES quantorum bonorum causa est pax Dei, custodiens corda & sensus fidelium, & colligens eos
Concil. Tom. 12. C ij

vt vnum idemque sapiant in recta fidei confessione, & ad perficienda diuina mandata, & propitium Deum faciens in his quæ recta sunt concordantibus: ideo festinantes vnitatem conseruare ad apostolicam sedem vestrae beatitudinis manifestum facimus, quod nos semper & seruauimus & seruamus fidem ab initio traditam a magno Deo & saluatore nostro Iesu Christo sanctis apostolis, & ab illis in omni mundo prædicatam, & a sanctis patribus explanatam, & maxime ab his qui in sanctis quatuor Synodis congregati sunt, quos per omnia & in omnibus amplectimur & suscipimus: id est, trecentos decem & octo sanctos patres qui Nicææ congregati sunt, & sanctum symbolum siue mathema fidei exposuerunt, & Arianam impietatem anathematizauerunt, & eos qui similia eis sapuerunt vel sapiunt. Suscipimus autem & centum quinquaginta sanctos patres Constantinopoli congregatos, qui idem sanctum mathema explanauerunt, & de deitate sancti Spiritus dilucidauerunt, & hæresim Macedonianam, sanctum Spiritum impugnantem, & impium Apollinariū condemnauerunt, cum his qui similia illis sapuerunt vel sapiunt. Suscipimus autem & sanctos ducentos patres in Ephesina prima Synodo congregatos, qui per omnia secuti sunt idem sanctum symbolum siue mathema, & condemnauerunt Nestorium impium, & impia eius dogmata, & eos qui similia ei aliquando sapuerunt vel sapiunt. Ad hæc autem suscipimus & sexcentos triginta sanctos patres Calchedone congregatos, qui etiam ipsi per omnia consenserunt prædictis tribus Synodis, & secuti sunt prædictum symbolum siue mathema a trecentis decem & octo sanctis patribus expositum, & a centum quinquaginta sanctis patribus explanatum, & anathematizauerunt eos qui aliud præter prædictum symbolum præsumunt docere, aut exponere, aut tradere sanctis ecclesiis Dei. Condemnauerunt autem & anathematizauerunt & Eutychem, & Nestorium, & impia eorum dogmata, & eos qui similia eis sapuerunt vel sapiunt. His ita se habentibus, certum facimus, quod omnia quæ a prædictis sanctis quatuor Synodis iudicata & definita sunt, & seruauimus, & seruamus: quia etfi per diuersa tempora prædictæ sanctæ quatuor Synodi fa-

ANNO
CHRISTI
553

Et sunt, tamen vnam eandemque confessionē fidei seruauerunt, & prædicauerunt. Suscipimus autem & amplectimur & epistolas præfulum Romanæ sedis apostolicæ, tam aliorum, quam Leonis sanctæ memoriæ de recta fide scriptas, & de quatuor sanctis Conciliis, vel vno eorum. Cum igitur prædicta omnia & seruauimus & seruamus, & in his nobisipsis inuicem consentimus, necessarium est conferri de tribus capitulis, vnde quibusdā quaestio nata est. Et ideo petimus, præfidente nobis vestra beatitudine, sub tranquillitate & sacerdotali mansuetudine propositis sanctis euangelis, communi tractatu eadem capitula in medio proponenda, quæri & conferri, & finem quaestioni imponi Deo placitum, & conuenientem his quæ a sanctis quatuor Conciliis definita sunt: quoniam ad augmentum pacis & concordiam ecclesiarum pertinet, vt omni de medio dissensione sublata, quæ a prædictis quatuor sanctis Conciliis definita sunt, inconcussa seruentur, sanctarum Synodorum reuerentia in omnibus custodita. His autem & subscripsi incolumis in Domino. Ora pro nobis, sanctissime & beatissime frater.

Ego Eutychius misericordia Dei episcopus Constantinopolis nouæ Romæ omnibus superscriptis subscripsi.

Item reuerendissimus Stephanus recitauit.

*Dilectissimo fratri Eutychio & episcopis sub te constitutis,
Vigilius.*

REPLETVM est gaudio os nostrum, & lingua nostra exultatione, quod discordiæ confusione submota, pacem Deus suæ reformauit ecclesiæ, vt impleretur quod dictum est: *Ecce quam bonum & quam iucundum habitare fratres in vnum.* Valde enim nos in Domino exultare conuenit, quod caritatis vestræ scripto nobis est oblata professio, cuius tenor ita sese habet: *Scientes quantorum bonorum causa est pax Dei, custodiens corda & sensus fidelium, & colligans eos vt vnum idemque sapiant in recta fidei confessione, &c.*

His autem & subscripsimus, huius professionis orthodoxæ claritatem libenter amplexi, eadem nos per omnia & in omnibus approbantes, custodituros atque inuiola-

Reliqua vt
in epistola
Eutychii ad
Vigilium,
de præsub-
scriptione,
quæ hic a-
liis verbis
sequitur.

biliter seruaturos Deo nostro profiteamur auctore. Omnibus igitur, quæ professio vestra continet, in sua perenniter firmitate durantibus, poposcit vestra fraternitas, vt nobis præsentibus de tribus capitulis, ex quibus quæstio nata est, sub tranquillitate & sacerdotali mansuetudine sanctis propositis euangelis conferatur, & finis quæstioni ipsi Deo placitus, & conueniens iis quæ a memoratis sanctis quatuor Conciliis definita sunt, imponatur: vt omni de medio diffensione sublata, quæ ab eisdem quatuor sanctis Synodis definita sunt, inconcussa seruentur, earumdem Synodorum reuerentia in omnibus custodita. Quam professionem paternarum traditionum memorem & sequacem, tam in fraternitate vestra, quam in omnibus similia confessis atque confitentibus, omni laude plenissimam iudicauimus, & nostros ex ea re vere fratres agnoscimus. Vnde diuinæ clementiæ supplicamus, vt omnes nos in hac confessione & paternis traditionibus permanentes, nostro digni reperiamur officio, & in die diuini iudicii nulli præuaricationi paternarum constitutionum inueniamur obnoxii. Quibus ita prædictis postulationibus vestrum desiderium cognoscentes annuimus, vt de tribus capitulis, ex quibus quæstio nata est, facto regulari Conuentu, seruata æquitate, mediis sacrosanctis euangelis, Collationem cum vnitis fratribus * habeamus, & finis detur placitus Deo, & conueniens his quæ a sanctis quatuor sunt definita Conciliis: scientes vtique, sicut & communis professionis testimonio declaratur, memoratarum Synodorum in omnibus reuerentiam custodiri. Deus te incolumem custodiat, frater carissime. Datum VIII. Idus Ianuarias, imperii domini Iustiniani perpetui Augusti anno XXVII. post consulatum Basilii viri clarissimi anno XII.

* for. ha-
beat,

Sancta Synodus dixit: Licet sæpius, gloriosissimi iudices, & quidam ex nobis, sicut imperialibus literis continetur, adhortati sunt Vigilium religiosissimum papam antiquioris Romæ communiter conuenire pro his quæ mouentur de tribus capitulis, rationabile tamen & Deo amabile arbitramur esse & nunc conuenire nobiscum, & de iisdem tribus capitulis disceptare, & formam vna nobiscum imponere rectæ fidei conuenientem. Hoc igitur

ANNO
CHRISTI
553.

iam nunc procedat. Et cum accessissent ex petitione sanctæ Synodi sanctissimi patriarchæ, Euty chius Constantinopolitanus, Apollinarius Alexandrinus, Dominus Theopolitanus, Benignus Heracleæ Pelagoniensis, vicem agens Eliæ episcopi Theffalonicensis, Theodorus episcopus Cæsareæ Cappadociæ, Andreas Ephesi, Megethius Heracleæ Thraciæ, Ioannes Nicomediæ, Stephanus Nicææ, Constantinus Calchedonensis, Eusebius Tyri, Ioannes Cæsareæ Palæstina, Amazonius Edessa, Thomas Apameæ Syriæ, Pompeianus de Byzacio, Phocas Stalienfis prouinciæ Præualiensis, Theodorus Leontopolitanus, Stephanus de Clysmate, Æmilianus Antipyrgi religiosissimi episcopi, ex nomine totius Concilii ad sanctissimum papam Vigilium, aliis episcopis in eodem venerabili episcopio relictis, & redissent iidem sanctissimi patriarchæ vna cum religiosissimis episcopis, sanctissimi patriarchæ & qui cum eis peruenerunt ad sanctissimum papam religiosissimi episcopi dixerunt: Sicut nobis omnibus visum est, peruientes ad sanctissimum papam antiquioris Romæ Vigilium, petiuimus eius beatitudinem conuenire, & disceptare vna nobiscum de tribus capitulis secundum scripta quæ inter nos & ipsum facta sunt, manifestantes eius beatitudini, quod serenissimus noster imperator pijs literas ad nos direxit, adhortans nos de eisdem tribus capitulis respondere: qui modo quidem propter corporis infirmitatem dixit non posse ad hanc petitionem respondere: in postero autem die pollicitus est manifestare quod ei de tali Conuentu placuerit. Oportet igitur præsentem differre diem.

COLLATIO SECVNDA.

IMPERII domini Iustiniani perpetui Augusti anno **IXXXVII.** post consulatum Basilii viri clarissimi anno **XII.** die **VIII.** Idus Maias, indictione **I.** confidentibus in secretario venerabilibus episcopis huius regiæ ciuitatis,

Eutychio sanctissimo patriarcha regiæ Constantinopolis nouæ Romæ,

Apollinario sanctissimo archiepiscopo Alexandriæ magnæ ciuitatis,

Domnino sanctissimo patriarcha Theopolitanæ magnæ ciuitatis,